

09

近代中國史料叢刊續編第七十八輯
沈雲龍主編

小倉山房文集
袁枚著

(卷五十九)

文海出版社
有限公司
印行

小倉山房文集卷五

錢唐袁枚子才

虞東先生墓誌銘

乾隆十五年。

天子詔舉窮經之士。公卿大夫知膺此選者之難也。舉海內士僅五十餘。而大學士蔣文恪公首以虞東先生薦。先生姓顧名鎮字佩九。居蘇州昭文縣。縣有虞山學。君因號爲虞東先生。乾隆戊午舉人。甲戌進士。補國子監助教。遷宗人府主事。充玉牒館纂修。年老乞休。以原官卒于家。先是虞山陳見復先生以遂學清望設教紫

陽先生往執弟子禮。惟敬一切經解史義。往復辨難。穿穴詣微。得古人所未有。見復先生死。先生駕其說而恢張之。以經師名天下。先設教金臺書院。再設教游文書院。白鹿書院。而終之以鍾山書院。先生停良介朴善誨人。每閱文數百卷。旁乙橫抹。滿目鉅手一字不安。必精思而代易之。至燭燼落數升。血喀喀然。至湧而蠶眼細。書猶握管不止。余嘗勸其少休。諾而不輟。然學者領其意旨。往往遠飛以故。遙企塵躅。跼膝跪足而至者。如望日光。聽建鼓而趨。

本朝度孫爲祖。度母服功。令無明文。崑山徐氏通考常

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



人人殊先生爲定三年服引禮經曰父之所不降子亦
不降也作兩議千餘言詞甚辨羣儒無以難也貌端厚
有腹尺豐下而髯恩從子寡嫂甚摯常夜坐有隣人子
窺其垣先生麾使去不以告人其人慙卒爲善士所著
虞東學詩十二卷三禮劄記十帙古文詩若干其先爲
吳丞相醴陵侯之後妻吳氏誥封恭人長子言遠次詢
銘曰年之不如而京兆同舉才之不如而臨終推許曰
以吾生平累汝嗚呼先生抱經而處無失于今有得于
古壽七十三塋正月五門生書碑門童負土支村之西
露字之塢

司經局洗馬繆公墓志銘

乾隆己未冬枚以年家子拜南有先生於蘇州之里第見先生蒼顏秀眉揚衡含笑望而有典型之欽今辛卯歲先生怛化久其子敦仁等將奉先生柩與其配陸太宜人合塋於某而走索枚銘枚伏思繆氏以科第顯吳門二百載氏族華腴如班揚崔盧海內延望雖門風之盛天實相之而要其經德秉哲層累以基之者必非無自謹按其狀以聲於幽宮曰先生名曰藻字文子晚年號南有居士其先從常熟遷吳會祖國維萬厯辛丑進士官貴州叅政生慧龍慧龍生彤官翰林侍講生先生

先生生而凝重甫勝衣能爲擘窠大字今西禪寺題額有過者猶爭指曰此繆翰林十歲時書也康熙乙酉舉人乙未進士授編修丙午加日講起居注官隨遷司經局洗馬壬子視學粵東甲寅以失察所屬鐫職

今上元年召復原官先生以母老辭遂不起凡先生官禁近十八年校京兆試者三校禮部試者一與纂修者三其他受尚方珍賜無算朝野盼先生大用而先生得一事爲名遽棄官卽休人皆以爲疑不知先生所居爲勾吳勝地獨具清曠善鑒法書名畫而力又足以致之海內金題玉躐爭趨其門如矢赴鵠先生購其尤巖賞

密。畜。花。月。餘。閒。遊。目。自。娛。人。望。若。清。秘。冊。府。魯。殿。靈。光。
者。垂。四。十。年。嗚。呼。此。豈。三。公。八。座。所。敢。睥。睨。其。下。風。者。
哉。當。在。官。時。有。要。人。訛。之。往。先。生。辭。不。行。其。人。旋。敗。論。
者。謂。先。生。享。福。之。清。由。其。識。力。有。以。致。之。非。偶。然。也。性。
友。愛。與。弟。曰。芑。同。官。翰。林。白。首。無。間。女。兄。弟。十。二。人。其。
孤。嫠。者。收。穀。之。買。奴。良。家。隨。焚。其。券。僮。碎。寶。視。微。笑。而。
已。常。劫。劫。後。人。曰。左。氏。驕。奢。淫。佚。四。字。其。病。皆。從。佚。起。
也。汝。曹。勗。哉。卒。年。八。十。先。是。侍。講。公。以。康。熙。丁。未。廷。試。
第。一。先。生。以。康。熙。乙。未。廷。試。第。二。侍。講。公。以。康。熙。庚。戌。
會。試。領。詩。經。房。先。生。以。雍。正。庚。戌。會。試。領。詩。經。房。大。叅。

公以萬曆壬子典試粵東先生以雍正壬子視學粵東先生以康熙乙未入翰林長子敦仁以乾隆己未入翰林父子祖孫後先遙應支干官地胙蠻符合誠爲異數然先生以一身而上兼祖父之榮下啟子孫之蔭嘻其盛矣夫人陸氏爲乙丑狀元澹成公女初來歸室有火災先生外出夫人神色不變呼家人急奉移家廟栗主毋不敬其識量如此後公七年卒子三人長敦仁官庶常次遵義乾隆進士次近智候選待詔

銘。日。前。卿。雲。兮。後。景。風。公。如。月。兮。照。當。中。輝。紫。闥。兮。光。元。穹。泣。啓。單。兮。派。蒼。龍。貽。德音兮。撫。大。東。厭。傑。直兮。安。

緬馬嬪然逝兮，鶴然從越王。沼兮吳王宮，竹素奉兮烟
雲供。曼而餽兮，畢而饜。適來順兮，適去終。化臺潔兮，禮
窟崇。樹之樂兮，翼以松靈。一閱兮，山重重。

ノ卷上房文集

李晴江墓誌銘

乾隆甲戌秋李君晴江以疾還通州徙月其奴魯元手
君書來曰方膺歸里兩日病篤矣今將出身本未及事
狀呈子才閣下方膺生而無聞藉子之文光于幽宮可
乎九月二日拜白讀未竟魯元遽前跪泣曰此吾主死
之前一日命元扶起力疾書也嗚呼晴江授我矣其何
敢辭晴江諱方膺字虬仲父玉鉉官福建按察使受知
世宗雍正七年入覲 上問其老問有子借來否對曰
第四子方膺同來問何職且勝官否對曰生員也性慤
不宜官 上笑曰未有學養子而後嫁者卽召見交河

東總督田文鏡以知縣用八年知樂安邑大水晴江不
上請遽發倉爲粥太守劾報田公壯而釋之募民築隄
障滋水入海又敘東郡川谷疏濬法爲小清河一書載
之省志十年調蘭山當是時總督王士俊喜言開墾每
一邑中丈量弓尺承符手力之屬麻集晴江不爲動太
寺馳激促之晴江遂力陳開墾之弊虛報無糧加派病
民不敢呻附粉飾貽地方憂王怒劾以他事獄繫之民
譁然曰公爲民故獲罪請環流視獄不得入則擔錢貝
鷄黍自牆外投入瓦溝爲滿 今天子卽位乾隆元年
下 詔罪狀王士俊凡爲開墾罷官者悉召見 詔入

城已二鼓守者卽夜出君子獄入都立軍機房丹墀西
槐樹下大學士朱軾指示諸王大臣曰此勸停開墾之
知縣李蘭山也願見者或擠不前則額手睨曰彼頎而
長眼三角芒者是耶少宗伯趙國麟君父同年進士也
直前握其手曰李貢南有子矣悲喜爲之泣奉旨發
安徽以知縣用晴江乞養母家居四年服闋補潛山令
調合肥被劾去官晴江之言曰兩漢吏治太守成之後
世吏治太守壞之州縣上計兩司廉其成督撫達於朝
足矣安用損朝廷二千石米多此一官以甚聞之耶
江仕三十年卒以不能事太守得罪初劾擅動官穀再

劾違例請糴再劾阻撓開墾終劾以贓皆太守有意督
過之故發言偏宕然或擠之而不動或躡而復起或廢
而不振亦其遭逢之有幸有不幸焉而晴江自此老矣
晴江有士氣能吏術岸然露圭角於民生休戚國家利
病先臣遺老之嘉言善政津津言之若根於天性者然
性好書畫松竹蘭菊咸精其能而尤長于梅作大幅丈
許蠅篆天矯千古法未有識者謂李公爲自家寫生晴
江微笑而已。權知滁州時入城未見客問歐公手植梅
何在曰在醉翁亭遠往鋪糴榆再拜花下罷官後得瘡
疾醫者曰此懷奇負氣鬱而不舒之故非藥所能平也

竟以此終年六十墓某

銘曰揚則宜抑不可爲古劍爲碩果寧玉雪而子子毋
脂韋而瑣瑣其在君家北海之右崆峒之左乎已而已
而知子者我乎

小倉山房文集

山東巡撫白公墓志銘

皇上御極之十有七年姦民搆逆語假吏部尚書孫嘉
淦諫章流傳山東巡撫準公獲一紙交臬司某窮竟其
事務得主名再奏適滇省以聞臬司懼越奏之 上疑
公欺致公于理公之獄詞曰未得偽造者姓名遽妄奏
臣不敢也且緩之則易于釣考罪人斯得暴章之則彼
或聞風竄伏而平民轉罹于辜故隱忍不發此臣罪也
擬大辟固當 上憐其愚赦之發香山監工以老病卒
公由筆帖式內府主事受知

臬司某官福建將軍乾隆元年改官巡道公以疾辭

上怒籍其家無長物得簿自出使迄入都公私出入纖毫如列眉上以爲廉授長蘆鹽院調兩淮公辜較引課辨其贏縮不怩快小利不責竒羨分剗節度有不便輒弛以利民九年巡撫安徽先是廬鳳地磽陬多邀民饑卽避宅槃遊獵魚擲鼈挈其孥抱小幘野歌旬錢或請禁之公撫然曰本之不清末胡能治命守令申畫郊圻課民耕貸給犁鋤外延染人機工教躡絲法畜蠶樹桃麻桑柘朝夕程督耒耨年民戀其業驅之不行今鳳嶺滁毫所織絹帶絲布轉鬻蘇杭數州加兵部侍郎撫

嶺東朔山西再調山東十六年上南巡自德州至紅

花埠凡十三營公修并督治惟敬或勒拘虎豹備彈絃
跼躑爲供奉者公大驚曰 皇上爲觀河省稼巡狩
望書如日爲大臣者耳目未愼其可違 詔以非道悅
耶除方物外無所貢泰山孔林外不置供頓清蹕除道
而已公貌不踰中人而舉止嚴重暗室坐未嘗跛倚胸
人目微斜遇大事虛已集議既定屹不可動撫廣時西
洋人某誘澳門民夷言服其國服連惠潮諸州公怒毀
天主堂懲治之洋人大創安南國王爲其臣鄭在所弑
國亂羣姓角爭互乞 天朝兵爲援公欲奏以一旅師
深入誅篡弑者爲設郡置吏仍歸漢唐服圖會與總督

議不合而罷論者惜之公姓白名準泰字健齋號雪村
正黃旗人賜姓他喇氏先世爲高麗人子某塋某
銘曰藥先嘗而后進之父言先擇而后告于天觀形者
似乎逆而原心者覺其賢以是歸田以是獲全又何費
焉而况乎七十有二之高年

方綺亭先生墓誌銘

余僑居汪寧少所推許心雅重綺亭先生凡其所意不欲往聞先生在焉則必往先生噴于耳而宏于聲有所論議知己潔人慮龔俗之難曉也必騰其輔頰張叫呼如鐘撼空鶴唳天一坐傾靡然卒歸于正樂道人之善詆姦姦頑窮極形態使人笑吃吃不能休先生方姓名求義字綺亭以順天貢士與修

聖祖實錄成議敘引見得宰龍南再宰上猶年五十三乞歸七十六而卒性醞粹任真推誠不務張施吏民馴伏攝安遠災承宣司不許糶穀先生愀然曰藏穀爲災

災而不糴安用穀爲乃空其倉予民通牒大府撫軍陳
文恭公嘉之符他邑爲例乘舟棧車咨詢桑麻村氓嬉
嬉如其家兒度鼎彝潢治書畫真膺相屨被給不悔學
道家言攜引皆媿自夸其能卒皆不讐蓋先生天倪甚
和寓于物不滯于物以故毋意毋必訢訢如也今夫色
莊之士肖翹冥容而人望望然去之先生不自拔飾率
意姍笑而人樂從之游無他真僞之殊也然則使先生
果得長生之術以久居人間必能挽末俗以還千古而
天偏以中壽靳之此余之所以不爲先生悲爲世悲也
然道家以真人爲先仙人爲次如先生之真氣蟠塞久

己○如○仙○人○一○等○而○又○何○必○私○形○骸○以○拘○拘○哉○尤○敦○矣○攜
愛○風○雅○恩○其○從○子○俗○賢○等○如○己○所○生○誼○布○衣○陳○古○漁○詩
走○保○定○將○薦○之○制○府○敏○愨○公○既○至○先○生○病○公○亦○病○慮○負
諾○責○乃○半○夜○力○疾○起○撼○敏○愨○公○床○歌○與○之○聽○敏○愨○公○果
以○爲○佳○遂○相○與○奇○賞○申○旦○其○篤○誠○如○此○世○居○桐○城○尚○祖
詹○事○公○拱○菴○移○居○江○寧○夫○人○何○氏○子○四○女○五○壘○上○元○縣

清風鄉

銘○曰○不○洗○而○耳○不○污○不○杖○而○老○不○扶○不○墨○墨○以○徇○俗○不
稜○稜○以○譎○觚○形○則○隨○化○盡○矣○而○神○則○與○天○爲○徒○古○人○有
今○人○無○嗚○呼○

刁倉山文集

范西屏墓誌銘

有清弈國手曰范西屏吾浙海寧人父某以好弈破其
家弈卒不工西屏生三歲見父與人弈輒啞啞然指畫
之十六歲以第一手名天下當雍正乾隆間天下昇平
士大夫公餘爭具采幣致勅敵角西屏以爲笑娛海內
惟施定菴一人差相亞也然施斂眉沉思或目昧未下
一子而西屏嬉遊歌呼應畢則哈臺斯去嘗見其相對
時西屏全局僵矣隅坐者羣測之靡以救也俄而爭一
劫則七十二道體勢皆靈嗚呼西屏之手弈可謂聖矣
爲人介樸弈以外雖詭以千金不發一語過其入子顯

者而不換色有所畜半以施戚里余不嗜弈而嗜西屏
初不解所以後接精髹器者盧玩之精竹器者李竹友
皆醜粹如西屏然後嘆藝果成皆可以見道而今日之
終身。在道。中。令人。見之。怫然。不樂。尊官。文儒。反不如。執
伎。以事。上者。抑又何也。西屏。贅于。江寧。無子。以某。月。日
卒。葬某。有。桃花。泉。弈譜。傳世。

銘曰。雖顏。曾。世。莫稱。惟子。之名。橫絕。四海。而無人。爭。將
千齡。萬齡。潛以。棋鳴。松風。丁丁。

吳省曾墓志銘

無錫吳省曾字身三善貌人行篋中畫稿如梵夾皆今之士大夫也擷之不相識則已有相識者其人紙上可呼爲子作隨園雅集圖沈文愨公年九十餘陳生熙年十七隨其老少聲咳宛然其用筆如勇將追敵不獲不休又如神巫招亡專攝魂魄蹕絕之能生與性俱弟子數十皆莫能及爲人朴而靜短小面多癩鄉音喃喃不伐其伎人多昵之年未五十卒予哀夫世之人不能不死其身可以不死其形能使之不死者省曾也省曾死則天下之人之形皆死故于其塋也哀之以銘

老。銘。曰。天。界。人。容。人。各。不。同。故。曰。化。工。君。奪。天。巧。其。胡。能。

亡姑沈君夫人墓誌銘

有姑適沈氏年三十一而寡無所歸歸奉母守志撫其姪枚六十四歲卒姑少嫻雅喜讀書從禮而靜爲大父所鍾愛枚剪髮時好聽長者談古事否則啼姑爲捃摭史書裨官兒所能解者呢呢媿媿不倦以故枚未就學而漢晉唐宋國號人物畧皆上口枚讀盤庚大誥眉蹙姑爲負劒辟咄助其聲以熱寒則襲瘕則搔朝醜而夕浴皆惟姑之求嘗嘖喏曰汝他日能念我乎對曰不敢忘及枚貴改葬姑姑沒已十年枚嘗讀韓退之乳母李氏墓志羨其能見退之成進士能受退之婦孫列拜上

壽能藉退之墓志傳其名痛姑之賢且親不及見枚成名不克受枚一日養其能傳姑與否又未可定嗚呼爲可悲也墓在仁和半山大父母之塋旁爲之銘曰昔有義姑在魯能字姪如母吾姑如古以將吾撫其節尤苦呼負負恩未酬書梗概掩諸幽

徐州府知府熊公墓志銘

余同官熊君會琮字公玉少爲無貲省以豪聞及仕攜
批豪強僮仆無所避方領習矩步者疾之如仇然趣人
之急揮財可川谷量重取與然諾厚施而薄望逢大患
難輒脫卒不得大用賫志以歿曾祖妣盧孺人明季罵
賊死君貴得旌于朝以武學生入粟選松江府上海
尉府吏有事于縣假坐尉署狎尉而倨君怒召役笞之
役跪白不可君命先笞役役不得已笞府吏三十吏哭
訴于府府大驚以爲尉癩會奉上檄禽松江盜號攔江
網者勢張甚巡道王雲銘約遊擊某用兵君奮曰尉願